



UNIVERSITÄTS-
BIBLIOTHEK
PADERBORN

**Claudii Fleury, Presbyteri, Prioris Argenteliae Et Reg.
Christianiss. A Confessionibus Institutiones Juris
Ecclesiastici**

Fleury, Claude

Moguntiae, 1760

XXIII. De appellationibus.

[urn:nbn:de:hbz:466:1-67899](#)

cautelam, ne scilicet excommunicationis exceptio ei obmoveri possit. Ex eadem causa receptæ sunt *absolutiones generales* stilo curiæ usitatæ & singulis signaturis & bullis pontificiis insertæ, ad effectum beneficij impetrandi, ne provisio propterea nulla accusetur. Nam si impetrans revera excommunicatus esset, expressa absolutione opus foret. Ceterum absolutione numquam præsumitur, si vel maxime excommunicatio centenaria fuisset, quia est pœna sua natura perpetua, licet ex intentione ecclesiæ temporaria. Qui annum in excommunicatione peragit, de absolutione securus, novo jure tanquam *hæreseos* suspectus in jus vocari potest². Sed hunc rigorem ignorant terræ a fidei quæsitoribus liberæ.

1) *C. 16. X. de appell. c. 52. X. de sent. excom.*2) *Concil. Trid. sess. 25. c. 3.*

C A P. X X I I .
DE APPELLATIONIBUS.

I.

S AEPENUMERO contingere solet, ut sen- Opposi-
tentia in causis cum *civilibus*, tum *crimi-* ^{tio.}
nalibus sufflaminentur, idque vel per *opposi-*
tionem vel per *appellationem*. *Oppositio*, li-
cet¹ prohibita, in pluribus diœcesibus viget,
& locum habet, ubi vel sententia nullitatis vel
processus vitii insimulatur, coram eodem ju-
dice interponenda. Appellatio autem locum
habet, ubi sententia *injusta* esse censetur, spe-

Cc

raturque fore, ut judex vel doctior vel justior ex ipsis actis aliam sententiam pronuntiet.

1) *Ordin. 1667.*

Appella-
tiones,
olim fere
incogni-
tae,

II. PRIMIS saeculis ut ceterae ambages, sic appellations fere ignorabantur in sacris tribunalibus. Tanta enim episcoporum fuit auctoritas; tanta & tam manifesta in iudicando sinceritas ac justitia, ut Christiani eorum sententiis lubentes acquiescerent. Concilio quidem Nicæno¹ statutum legimus, clericum depositum vel laicum excommunicatum ab episcopo, si id injuria factum existimet, concilium provinciale adire posse: sed hoc in causis levioribus factum, vel tribunal quodpiam, concilio provinciali superius, constitutum fuisse, non legimus. Si episcopus concilii sententiam iniquam existimavit, convocati sunt ex vicinis provinciis plures ad concilium episcopi. Interdum episcopi vexati papam implorarunt, quod² permisum. Quidquid hujus in Oriente factum sit, per occidentem tamen ex eo tempore appellations ad curiam Romanam frequentabantur, si Africam exceperis, ubi diserte cautum erat, ne per appellations literes *trans mare* sererentur, e quibus sinceriori disciplina exitum imminebat. Cujus rei testes sunt CYPRIANUS, qui apud Cornelium papam appellations accusat³, & epistola concilii Africani, tempore Augustini, ad Cœlestinum papam scripta⁴.

1) c. 51. 2) *Concil. Sardic. c. 3. 7.* 3) *ep. 59.*

4) *tom. 2. concil. p. 674. hist. eccl. l. 24. n. 6. 11. 35.*

per falsas
decreta.

III. Ex quo falsæ decretales receptæ sunt, appellations majora incrementa cepe-

runt. Iis enim diversæ archiepiscoporum, pri-
matum, patriarcharum instantiæ, quasi inde
a sæculo II. usitatæ, incrstantur, omnibus
que Christianis ad papam sine medio adpella-
re permittitur¹. Quo factum est, ut curia
Romana omnes cauſas, etiam in *prima instan-*
tia, ad ſe traheret, & in jurisdictione conten-
tioſa, veluti in beneficiorum collatione, or-
dinarios ſupplantaret. Factum est, inquam,
ut Romæ admitterentur adpellationes ab epi-
ſcopo vel quovis inferiori judice, omissio me-
dio. Factum est, ut admitterentur Romæ ad-
pellationes ab *interlocutoriis*, ac tum postea
cauſa principalis, immo ſæpe cauſa prime
instantiæ, evocaretur. S. Bernardus in *epiſto-*
la ad Eugenium pontificem hos abuſus inaſcu-
le perſtingit, memoratque, connubium quod-
dam in ipſo confirmationis articulo per appella-
tionem frivolum turbatum fuiffe². Idem
consistorium cardinalium depingit tamquam
tribunal supremum, decisione infinitarum li-
tiū occupatum, curiamque Romanam ipsam
reis, actoribus, procuratoribus, ſollicitatori-
bus, advocatis oneratam, qui ex toto orbe
Christiano eo confluarent. Quuimque Metro-
politani & primates pontificis exemplum ſe-
querentur; appellationibus frivolis & fruſtra-
toriis nihil frequentius, nihil magis tritum,
nihil magis quotidianum ætas illa vidit. Non
ſolum a ſententiis, ſed & a regulis processus,
ab actibus *extrajudicialibus*, ab *interlocutoriis*,
a correptione episcopi, a superioris admoni-
tione appellare ſolemne fuit. Admissæ ſunt
appellationes *vagæ*; nullo fundamento radica-

les invē-
ſta, ad
augen-
dam pa-
pæ po-
tentiam,

harum ab
usus de-
pingitur

tæ, appellations a gravaminibus non illatis solum, sed & inferendis. Eadem appellations in plures annos extractæ penitus in sentiam omnis generis fraudum & improbissimorum technarum Camarinam degenerarunt. Quod ex toto titulo decretalium de appellationibus manifestum est.

1) c. 1. D. 80. c. 1. 2. D. 99. C. 4. q. 3. c. 3. C. 2. q. 6.
c. 3. c. 1. D. 17. 2) *de consider. l. 3. c. 2.*

qui ex
parte
emenda-
tur.

IV. HIS vitiis concilia Lateranensia duo sub Alexandro & Innocentio III. ex parte medelam adhibuere, prohibendo, ne in multis casibus particularibus & generatim ab *interlocutoriis*, per definitivam reparabilibus, item a correptionibus ceterisque ad disciplinam pertinentibus monitionibus, veluti episcoli visitantis aut superioris, regulares increpantibus, appellaretur¹. Concilium Basileense plus animi ostendit pro veritate, damnatisque evocationibus ad curiam Romanam, constituit², ut in locis quatuor dierum itinere Roma dissitis omnes caussæ, exceptis majoribus & sedi apostolicæ reservatis, a judicibus loci tractarentur ac definirentur. Item, ut appellations semper ad judicem proxime superiorem, neutquam autem, omisso medio, ad ejus superiorem; si is vel maxime papa esset, deferrentur. Item, ut appellations ad pontificem delatae rescripto committerentur delegato *in partibus usque ad conclusionem in causa inclusive*, hæcque omnia sub pena nullitatis & expensarum. Hoc decretum in pragmaticam nostram³ & in concordatum⁴ relatum,

eoque extensum est, ut caussa appellationis in partibus agitur usque ad tertiam sententiam conformem, & quidem intra biennium decidenda; neque a secunda interlocutoria conformi, nec a tertia definitiva conformi appellare liceat. Quod jus a concilio Tridentino^s confirmatum est.

1) C. 59. X. de appell. c. 6. eod. 2) sess. 31.

3) tit. 5. de caus. 4) tit. 26. 27. 28. 29. 30.

5) sess. 13. c. 1. sess. 24. c. 20.

V. IN Francia curiarum ecclesiastica-
rum processus secundæ instantiæ æque ac pri-
mæ per omnia similis est processui tribunalium
sæcularium, regiis quippe constitutionibus di-
gestus^t. Apostoli seu libelli dimissorii, qui a
judice *a quo* impetrandi, in usu esse desierunt,
& appellatio instrumento interponitur; sup-
plicatio autem vel Metropolitani mandato,
quod est instar dimissorum, introducitur.
Si caussa in prima instantia viva voce tractata
est, verbalis; si scriptis, appellatio in scriptis
est: quo casu appellans acta ad tabularium ju-
dicis *ad quem*, & appellatus sententiam exhi-
bere tenet. Quo facto terminus disceptatio-
ni præstituitur, quo appellans sua gravamina
deducit, & appellatus his respondet. Excus-
sis omnibus meritis caussæ, i. e. omnibus, quæ
cum in caussa principali, tum in caussa appel-
lationis scripta & producta sunt, judex sen-
tentiam pronuntiat, qua inferioris judicis sen-
tentia vel infirmatur, vel confirmatur. Ab hac
secunda, immo & a tertia, quarta & amplius
si tot instantiæ sunt, appellare licet, usque
dum tres trium differentium tribunalium sen-

forma ap-
pellatio-
num in
Francia.

tentiæ conformes latæ sint. Quod nostri canonum interpres ex jure civili² haussisse videntur. Si appellans appellationem introducere, si appellatum citare negligit, post terminum appellationis introducendæ, desertionis incusari; ante terminum autem appellationem, accelerandi caussa, introducere potest. Appellanti appellationi expresse vel tacite renuntiare licet, si sententia obsequitur. Sed si appellatio introductory est, recedere nequit, nisi per acquiescentiam, de qua judex pronuntiat, quæve multam involvit.

1) Ord. 1639. 2) l. i. C ne terro appell.



CAP. XXIV. DE APPELLATIONE TAMQUAM AB ABUSU.

I.

Appellationum qualificatarum species. **D**UO sunt appellationum genera, appellatio *simplex*, & *qualificata*, veluti appellatio a judice incompetente, a denegatis apostolis, a denegata justitia, ab abusu. In Francia sola appellatio simplex propria penitus est judicis ecclesiastici, quippe quem solum pronuntiare posse volunt, num in prima instantia recte an secus caussa decisa sit. Qualificatae autem appellationes contra judices instituuntur, & quidem regis, tamquam canonum protectoris & justitiae parentis, nomine & auctoritate.

principua tamquam ab abusu. **II.** APPELLATIO tamquam ab abusu est querela de judice ecclesiastico, tamquam